



Ассаламу аьлайкум, дустал

12+

# ХХЯХЖА БАРГЪ

Лакрал райондалул кказит. Ита бакълай 100-сса шин.

«ЗАРЯ»

Нюжмар  
29 сентябрь  
2023 ш.

№41 (9462)

www.zaria-online.ru  
gazetazary@mail.ru

1 октябрь - бугьарасса инсантурал кьини

## ХІурматран лайкъми

Октябрьданул цалчинса кьини гьарца кІанай кІицІагайссар Угьарасса инсаннал кьини. Ва тарих ссуттил кІицІагайсса хІазран бакъар. Угьарашиву ккалли дай - инсантурал оьрмулуву мусийл чІуну. Ссутнийнгу, кІулсса куццуй, учай - мусийл ссут, куну. Мунияту бугьарасса никирал инсантурал ссутнил шпурттуву хасъсса кьини личІи дан хІукму буну бур щала дунияллийсса миллатигтал.

Ва кьинилул хьунмур мурад - дунияллийсса циняв инсантурал бугьараминнан хунадаклакьисса захІматшивуттах, цайми масъалартах къулагъас давури. Ва байрамрал цила лишангума (логотип) дуссар - тІиртІусса битІанхъ - хьиншиврул ва кумаграл лишан.

Бугьарасса инсантурал байрам даврил пикри инсантурал багьну бур20-мур

Сентябрьданул 21-ний райадминистрациялуву хьунни райондалул актив, шярваллал администрациярдал бакІчитал, идарраттай -организациярдай каялушиву дайми бавтІсса совещание.

Му хас дурну дия ссуттил жагьилтал армиялин буцаврил компания дайдишаврин, ва контракт чирчуну райондалуи гражданинтал гьан баврин.

Совещаниелий гьуртту хьунни Лакрал ва Ккуллал районнал прокурорнал заместитель Аьраби Оьмаев, военком ХІасан Массуев, МВД-лул «Лакский» МО-лул начальник МахІаммад Рамазанов.

КІулсса куццуй призыврал чІун дайдихълай дур октябрь зурул 1-ния шихуннай. Ва хьинну агьамсса масъала цІанава биттур буллай байбишин багълай бушиву чІалай бунутІий, дунни хІакьинусса батІавугу.

Совещаниелул дайдихъу дуллай райондалул бакІчи Юсуп МахІаммадовлул кІицІ лавгунни райондалий хьинну жаваблусса даву цІунилгу дайдихълахьишиву.

-Нанисса шинаву хьхьичІуннайгу чІарусса батІавуртту дурссия вай масъалартта, хьинну хьирив

дансса хІукму буну бур США-навугу. ЧІал къавхьуну ва шадлугъ пив хьуну дур щала дунияллийх. ЦІа-



ттуршукулул ахирданий, 1970 шиннардай. Ми бивкІун бур Аьрщарайсса инсантал бугьара хьанахъаврил масъалартту халбигълай, бугьарасса инсантурал маэшатрайн биян буллалисса асарду кІул буллалисса алимтал.

КІицІаглай ва байрам тІурча байбивхьуну бур Скандинавиянал бачІи-жазиралий яхьанахьими. Цаппара хІаллава пенсио-нертурансса кьини личІи

на дунияллийсса бугьарасса инсантурал агьамшиву дусса му иш хьуну бур 1990 шинал декабрьданий.ООН-далул Генеральный ассамблеялул къамул дурну дур резолюция 45/106, ссутнил кІилчинмур зурул цалчинмур кьини - Дунияллул халкъуннал дянивсса бугьарасса инсантурал кьинину ккалли дуллалисса.

Ца шинава Генассамблеялул ккаккан буну бур бугьа-

расса инсантурал чулу-хуннай цала къулагъас дуллансса гьанурду. Ялагу ца шинава цІакъ дурну дур бугьарашиврул масъаларттайн дагъайсса декларация. Мура чІумал дунияллий кІицІларгун дур Дунияллул халкъуннал дянив Веналий бугьарашиврул иширттайн дагъайсса давурттал план къамул дурну 10 шин хьусса тарих. Му документрал мурад къари-къужрал маэшат ва социальный щаллушинна дузал дан бакІрайн ласаву бивкІун бур.

1992 шинал тІурча октябрьданул 1-ний бугьараминнан хІурмат буллансса хІукму буну бур Аьрасатналгу. ЖучІава му тарих кІицІаглан бивкІун бур Верховный Советрал Президиумрал «О проблемах пожилых людей» тІисса хІукму байхту.

Щала дунияллий инсантал му кьини оьвтІун, ялун биллан бикІайссар ттат-



Гр Муьвика Сердце

тахъачІан ва бавахъачІан, ниттихъачІан ва буттахъачІан, цанма ми ххирашиву буслай, оьрму цанма миннал буллушиву чІалачІи буллай. Миннан хасну шадлугъру, тяхъавивуртту дайссар, миннах тІалавшиннах къулагъас дуллан бикІайссар. ООН-далул Генеральный секретарьналгу оьвчаву дай бугьараминнал ихтиярду дурччин ва миннан хІурмат бан ва кумаг буллан.

Ссутнил призыв

## Законнугу, тІалавшиннугу гужлан хьусса масъала



буклан, щурун багьуна.

Мукун райондалий армиялин буцаврил план биттур хьуна. Ва ишираву хьхьичІун ливчуну Щардал, Кьубиял, Хьуртгал, ГьунчІукьатІрал шярваллал администрациярду. Махъ-

ун багьуна Ххюлусуннал (ХІ.-М. Акаев), КІубурдал (Н.Ибрагьимов), Ури -Му-къардал (Ш.Рамазанов), Карашрал (М.Шабанов), Хьунайнал (А.ЦІахъаев) администрациярду.

Вай гьантрай гьуртту

хьура РД-лул оператив штабрай. Микку гьуртту хьунни республикалул каялувчитал, РД-лул прокурор, МВД-лул ва цайми органнай каялушиву дуллалими. Хьхъавчуну бачин буллай бур ссуттил армиялин буцаврил, кон-

тракт чирчуми гьарза баврил масъалартту.

Ва хьинну жаваблусса давур, чара бакъа биттур дан аьркинсса. Хьунмур умуд бур шярваллал бакІчиту-райн, райондалул актив-райн.

Призыврал даву дайдишин, повесткарду дачІин, цума призывник чув уссарив цІанава хьирив лаллан ва м.ц. РД-лул бакІчи Сергей Меликовлул хасну чІурчІав дуршиву шярваллал бакІчитал призыврах къулагъас дакъа бушаврин.

Даххана хьунни, танмихІру гужлан хьунни ва масъалалин бувсса, цІу дурсса Федерал Законнаву.

АьчІа дишин, танмихІ бан хьанай бур утти цайва низам зия дуллалисса призывниктурай бакъассагу, каялушиву дуллалиминнайгу.

Мунияту зунсса куц лархьхьуну, кІулну, жаваб буну бикІан аьркинссару законнал дахханавивурттая, -увкунни Ю.МахІаммадовлул.

Совещаниелул кьинилул кІилчинмур масъала бия контракт чирчуну Аьрасатнал аьралуннавун буцаврил хІасиллу дуллалисса ва хьхьичІ бавцІусса масъалартту аьч буллалисса.

Му масъалалия ихтилат (Ургу 3 лаж.)

Ссутнил призыв

## Цусса закон - ххисса т1алавшинну



(Сентябрьданул 21-ний райадминистрациялуву хьусса, райондалул актив бавтисса советениялий Лакрал ва Ккулал районнан цач1усса аьралий комиссар Х1асан Массуевлул бувсса ихтилатрава).

-Нанисса шинал октябрь зурул бак1рая шихуннай дайди хьлахиссар жагьилтал ссуттил армиялин буцаврил компания (призывная компания).

Му дайдишин х1адур хъанай, аьралий комиссариатрал ва аьркинсса кьуллугьирттал дурссар призывран аьркинсса, гьарца хьхьич1уннайсса давуртту, х1адур бувссар багъайсса документру. Масала, хьирив лавну, цалин дурцуссар ссуттил призыврал комиссиялин буч1ан аьркинминнал сиях1. Мукунсса хъанай ур 172 жагьил. Виваллил иширтталсса буллалисса органнал кьуллугьирттал хьирив лавсару миннал х1алкъазиялул, масъала, судрайн багъсса бурив, силсталий бурив ва м.ц. ишру ххалбуллай. 172 призывникнал ц1аний клантту -кланттурдайн гьан дурссар повесткарду. Ми тапшур дан аьркинссар администрациярдал бак1читуран к1улну аьралий х1исав-ккал дачин дуллалисса зузалтрал. 172 призывник ккаккан дурсса ч1умал уч1ан аьркинссар призыврал комиссиялин. Миннаву бик1ан бюхъайссар сагъшиву диял къахъанахъисса, мушакъатсса, дуклан бувхсса ва цайми х1уччарду бусса инсатал. Мукунми призыврая мурахас бан багълай бурив -бакъарив дазу рищайссар райондалул призыврал комиссиялул.

К1иц1 лавгсса озьрурдаясса документру комиссиялин биян къабубма армиялин гьан къаччиману, хьхьич1а укьлакьиману ккалли ант1иссар, муниципал багъайсса ххуллурду ласуншиврул.

Уттинин ишлану дуссия «О воинской обязанности

в РФ» т1исса федерал закон. Гьашину му закон ц1у дунни, хъунна дунни, жаваблущин хъинну гужлан дунни.

Хъинну к1урт1ну ккаккан дуллаи бур закондалулу призыврал даву сакин давривусса шярваллал администрациярдал, нитти-буттахъал жаваблущин, миннал буржру, закон къадуруччаврил танмих1ру ва м.ц.

Агар администрациялул х1исав-ккал дувулт х1урану зий бухьурча, му шярваллал бак1читурал тахсир хъанай бур, цанчирча ми давурттай администратортурал бивтун бунут1ий. Шяраву администрациялин къабагъайсса цавагу бигар бакъассар. Призывниктуран законная ци бунугу к1улну, лахъхьин бувну бухьурчагу, нитти-буттахъан миннуя хавар къабик1ай. Миннан бувч1ин бавугу администратортурайн багъайссар.

Цусса аьрлай закондалулу ч1ярусса дахханашивуртту дурну дур, хаснува 4-мур, 5-мур, 7-мур ва цайми статьярдату.

Закондалул т1алавшинну къак1улну, му биттур дуллаи бакъахьурча, призыврал, контракт чирчуну аьралуннавун буцаврил давуртту багъайкун дан хъун т1ий бакъар. Закондалул ц1ушиннарду лахъхьин багълай бур хьхьич1ва-хьхьич1.

Агарда, администрациялий сиях1райгу уну, призыврал комиссиялин пулансса жагьил уч1ан аьркинну бунува къауч1арча, аьч1а дишавугу, административ танмих1гу бан ккаккан бувну бур каялушиву дуллалиминнай, хьхьич1унмай укун бакъассия.

Бувч1ин аьркинну бур цания -ца армиялин къауцинсса озьру бакъа бунува, лаик1лак1исса, закондалин мют1ий къахъанахъисса призывникнаща я къюлт1 хъун, я лихълан, къахъунт1ишиву. Мунал ц1а-бак1, чувци дуллаи уссарив Цасса реестрадан ларсун душиву, мунал х1алкъазия мугълат бакъа к1ул байшиву.

Мунишала, ссуттил бувцуми 1 шинайсса бакъа армиялий кьуллугъ буллаи къабик1ант1ишиву мягълумсса х1уччари. Гьашинугу буцлациссар оьрмулул 27 шин хъанхъиминнай биянми, ялунч1ин ми шинну ххисшала хъанай, 30 диянт1ий дур, -т1ий ия Х1.Массуев.

## Кабинетирттава агъалинач1ан

Вай гьантрай «Лакрал район» МР-данул бак1чинал заместитель Явсупа Х1амзаевлул аьрххи багъуна Ури-Мукъардал мах1лалин. Му хьунаакълай ия Уриннал жьаматрацал.

Хьунакъаврил мурад -октябрьданул 1-ния шихуннай дайди хьлахисса, оьрч1ру армиялин буцаврин х1адуршин даврия, «О воинской обязанности в РФ» т1исса Федерациялул законнаву хьусса цаппара дахханашивурттая, ххибавурттая бусаву...

Амма хъиннува кьулагъас дансса, хьхьавчусса масъалану хъанай бур Аьрасатнал гражданинтал аьралуннавун контракт чирчуну кьуллугъ буллаи буцаврилмур. Му ишираву щала республикагу, мукунна жула районгу махъун дагъну дур. План биттур

хьуну дур анжагъ 18 процентрал.

Гьашинусса шинал контракт чирчуну аьралуннавун буцаврил даву лахъи лаглай дур декабрьданин дияннин. Мунияту ва масъала биттур буллаи шурун багълай бур жаваблущса кьуллугьирттан. Гьартану ва мюнпат хъунну дачин дан бувч1ин баврил, агитациялул давуртту, ч1алач1и пособияртту, - т1ий ур Явсупа.

Мукунма Я.Х1амзаевлул жьаматрал хьхьич1 сукку бунни ц1уну сакин бувсса, хушрайсса «Каспий» т1исса батальондалувун контракт чирчуну кьуллугъ буллаи буцаврил масъала. Бувсунни миккун багъминнан цукунсса кьулайшивуртту, пачах1лугърал аякъа диклант1иссарив, «Каспий» батальон СВО-лийгу цач1у бик1ант1ишиву ва м.ц.

Хьунабакъаврий гьуртту хъунни 16 инсан.



## «Лакрал район» МР-данул бак1чинал амру

2023ш. 20 сентябрь №71-р

Аьрасат Федерациялул Виричу Х1ажимамамадов Нурмамамадул ц1а абадул даву мурадрай ва райондалул дуклаки оьрч1лаву шахматирттай буккаврил гьира лавай баншиврул:

1. Аьрасатнал Виричу Н. Х1ажимамамадовлул ц1а абадул даврин хасъсса оьрч1ру анаварсса шахматирттай буккаврил Республикалул турнир дан Гьумучиял школалий 30-мур сентябрьдания байбивхъуну октябрьданул 2 хъуннин.

2. Ц1акъ бан:

2.1. РД-лул шахматирттал Федерациялул цалин бувк1сса, Республикалул даражал1ийсса турнир даврил положение.

2.2. турнир дансса ва х1адур дансса сакиншиндарал комитет.

2.3. Турнир х1адур дансса ва т1айла дукканса харжлугърал смета.

3. Дуккаврил идараттал директортуран турнирданий дуклаки оьрч1ру гьуртту баврил масъала щаллу бан.

Ва х1укму биттур баврил контроль ттуйва бихълай ура.

**Ю.Х1.Мамамадов,**  
райондалул бак1чи.

Шахматирттай буккаврил турнир х1адур дансса ва т1айла дукканса сакиншиндарал комитетравун бухлай бур: Ю.Мамамадов, Джакаев Джакай (РД-лул шахматирттал Федерациялул президент, дуниялул халкъуннал дянйивсса гроссмейстер), А.Кьюннуев, Я.Х1амзаев, Аь.Дибиров, М.Рамазанов, М.Аьлишаев, А.Къажлаев, М.Х1усманов, М.Мусалаев, С.Мамамаева, Т1.Ах1мадов.



Бяс-ччал сакин бувну бур райондалул администрациялул Дагъусттан Республикалул шахматирттал Федерациялул цач1у. Му бан кумаг буллаи бур шахматрай уккаврил дуниялул чемпион А. Карповлул ц1анийсса Мамамадалиевсса шахматирттал школа. Бяс-ччал хъунт1ий бур оьрч1алгу, душваралгу дянйив лич1и-лич1ину. Ми бач1инт1ий бур шанма категориялийх:

1. 11 шинавун бияннинсса (2014-2017 шиннардий бувсса).

2. 15 шинавун бияннинсса (2010-2013 шиннардий бувсса).

3. 19 шинавун бияннинсса (2006-2009 шиннардий бувсса).

Ва республикалул бяс-ччал хас бувну бур Аьрасатнал Виричу Нурмамамад Х1ажимамамадовлул.



## «Кумиял сельсовет» МОлул депутатътурал собраниялувунсса кандидатурарду ххалдигъайсса комиссиялул баян бувсса депутатшивринсса кандидатътураясса сведения

(наименование представительного органа муниципального образования в соответствии с уставом муниципального образования)

№ п/п	Дата выдвижения	Фамилия, имя, отчество	Дата рождения (число, месяц, год)	Место рождения	Профессиональное образование	Адрес места жительства (наименование субъекта РФ, района, города, населенного пункта)	Место работы или службы, занимаемая должность (в случае отсутствия основного места работы или службы - род занятий)	Кем выдвинут
1	19.09.2023	Гаджимагомедов Анвар Шамилович	29.08.1970 г.	РД, Лакский район, с. Багикла	Высшее	РД, Лакский район, с. Багикла	Самозанятый	Всероссийская политическая партия «Единая Россия»
2	19.09.2023	Саъдуев Магомед Исмаилович	07.06.1989 г.	РД, Лакский район, с. Кума	Высшее	РД, Лакский район, с. Кума	ГБУ РД «Лакская ЦРБ»	Всероссийская политическая партия «Единая Россия»
3	19.09.2023	Чавтараев Зиявудин Чавтараевич	02.05.1977 г.	РД, г. Кизилюрт	Среднее	РД, Новолакский район, с. Новочуртах	Самозанятый	Всероссийская политическая партия «Единая Россия»
4	20.09.2023	Алиев Ахмед Алиевич	11.11.1956 г.	РД, Лакский район, с. Кума	Высшее	РД, Лакский район, с. Кума	Временно не работает	Самовыдвижение
5	20.09.2023	Алиев Идрис Гаджибрагимович	03.11.1962 г.	РД, Лакский район, с. Багикла	Среднее	РД, Лакский район, с. Багикла	Временно не работает	Самовыдвижение

Рабиъ-ул Аввал барз

## Инсантал Аллагънал ххуллийх бачин бувма

Мусулмантурал ишла буллалисса календарьданий цлана най бур Рабиъ-ул-Аввал барз. Му зурул 12-ний, жува ишла буллалимур календарьданул 570-ку шинал апрельданул 20-ний Маккалив къурайштурал миллатраясса ХIашимлул тухумраву увссар Абдуллагълул ва Аминатлул кулпатраву Аллагънал расул хьунтIисса, идавструаву махъа -махъма хьунтIисса оьрчI - МухIаммад (с.а.в.с).

Га лякълуву унува, 25 шинавусса ппу ивкIуну ур. Нинугу диркIуну дур, ганан ряхра шиннагу къархъусса чIумал. Нину-ппу бакъа ливчIисса оьрчI кIира шинай яхъанай ивкIун ур татта Абдул-МутIалиблуду. Мугу дунияллия лагайхту, мийра шинавусса оьрчI цацлана увцуну ур буттауссу АбуТалиблуду.

ОьрчIниязIава маккаллал инсантурал ятту канаки буллай аьдат хъусса, ккаккангу, чурххалгу ххуйсса, дакI хъинсса, адав дусса, вихшала дишин лайкъсса, акълу бусса жагъил ххуй ивзун, ласгу ивкIусса, авадансса хъамитайпа Хадижат, хъу тIисса цайми араманту бунува, щинчIав къавхъуну, цила сипталий МухIаммадун хъуну бур.

ЧIивисса МухIаммад къаитансса Маккалив цуцIав акъа, АбуТалиблуд га, 12 шинавусса оьрчI, машлул иширттай цащала Шамлив (цIана Сириянал, Ливаннал, Иорданиянал ва Палестиннал билаятру бусса аьрци) увцуну ур. Му аьрххилий къундалул кIирисса билаятирттай оьрчIал ялув, ххют рутлай, ттурлу дуклай диркIун дур. Бигъалаган мурхъиралу щябикIайхтугу, къяртри къус диркIун,



ганайн ххют рутлай диркIун дур. Му иш ккакксса монах Бухейрал куну бур, оьрчIая идавс хьунтIиссар, куну.

Ганан 35 шин дусса чIумал, къурайштал бивкIун бур Каъба бакъин буллай. Ссаврунная багъсса лухIи чару бишайсса кланайн бияйхту, бьст багъну бур, му цуманал бишинтIиссарив. Мизитравун увхсса цалчинсса инсаннал бишин рязи хъуну бур циняв. Мукунсса инсан хъуну ур МухIаммад. Ганал дучIан дурну дур гиккун янналул касак, ганий бивхъун бур му чару. Яла, гьарца тухумрава ца-ца инсаннахъ чару бивхъусса янна дугъан дурну, чару КаъбалучIан биян бувну, цала гъаз бувну, лухIи чару цила кланай бивхъуну бур.

МухIаммадун ххирасса бивкIун бур Маккаллая арх бакъасса ххялларис-

са бакIурдал дянивх (ми бикIай жула КIурунна бакIуксса, кланиял чансса лахъсса) занай, Хираъ тIисса бакIуйсса нуххувун увххун, инсантурая арх увцун, цувалу пикрирдаун агълан. Цал, 40 шинал оьрмулуву, му нуххуву цувалу унува, Жабраил малаик муначIан ливккун, укуну бур: «Ккалакку!» МухIаммадлул жаваб дуллун дур: «Ттун буккин къакIуллийха!» Ми махъру Жабраил малаикналгу, МухIаммадлулгу шамила тикрал байхту, малаикнал куну бур:

«Ккалакку! Оьтул тарталлуя инсан ляхъан увсса вила Аллагънал цIанияту...» (Сура Ал-Аьлакь, аятру 1-5).

Гай бивкIиссар МухIаммад идавсичIан (с.а.в.с.) Жабраил малаикнайхчIин ливксса цалчинсса аятру. Хъунма хIал къалавгун, ливккуну бур ва суралул гихунмайсса (6-19) аятругу. Миннуву кIа дюъ дихълай ур инсантурай, Аллагънал ккаккан бувсса ххуллийх бачин. Инсантал къума буллай, миннай гуж буллалиминнай, ми иман дишин къабитлатиминнайгу, дакI хъуниминнайгу дюъ дихълай ур, ми цуксса гужсса бунугу, Аллагънал хъьичI цукунчIавсса гуж бакъашиву. Мунияту, аьркиншиву, миннай махъ къавхъуну, Аллагънайн мютIий хъун ва кланачIан гъан хъун.

Муния махъ, цаппара барзру (ягу шинаял ххишаласса чIун) лагайхту, ИдавсичIан ливккун бур «Ал-

Калам суралул хъунмур бутIагу. Яла, Аллагънал цайва ялув бивхъумунин мютIийну, га айивхъуну ур цал-цала тухумравуни, яла -бугъарами ва жагъилми, узданми ва лагътал, арамантал ва хъами, бурчу лухIими ва кIялами личIи-личIисса тухумирттавами ва миллатирттайями Аллагънал ххуллийх бачин буллай.

Цалчин ислам къамул дурну, иман дирхъун дур Абу-Бакр Абдуллагъ ХIусманнул арсанал. Ганал хъунмасса кумаг бувну бур Идавсин. Абу-Бакрдул кумаграй имандалин бувкIун бур ХIусман Аффаннул оьрчI, ТIалхIа ва Саъд Ва къаслул оьрчI...

МухIаммад (с.а.в.с.), Расул-Аллагъ, Идавс хъхъунивугу, дяхтIагу, циняннан баллайгу, къьолтI хъанайгу оьвтIий ивкIун ур Аллагънайн мютIийну оьрму бутлан. ЩищачIавгу къабювхъуну бур га му ххуллия я укъан ан, я аччан ан. Га цувагу цукунчIавсса къулагъас дуллай ивкIун акъар цайра аьйрду дуллалиминнах.

Идавс увсса зуруйн (Рабиъ-ул -Аввал) учай мавлидрал барз, куну. Ва зурул мутталий мусулмантал бикIайссар МухIаммад идавсил (с.а.в.с.) оьрмулиясса цала кIулшивуртту, цацIун бавтIун, куртI дуллай, гьарта дуллай, кувнал кувнахъ буслай (мавлидру дуллай). Бачи жувагу циняв Аллагънал ликкан бувмур жунма лахъьин буллай ивкIисса ва инсантуран къабивтесса ганал оьрму бюхъайссаксса куртIну лахъланнуча!

Къ.Къурбанов.

**Учредитель:**  
Администрация  
МР «Лакский район».  
Учредитель:  
«Лакрал район»  
МР-далул  
администрация

**Главный редактор**  
М. М. Мусалаев  
**Ответственный секретарь**  
К. М. Курбанов  
**Корреспондент**  
К. М. Курбанов

**Опер. комп. набора**  
Р. И. Джалаева  
**Тех. редактор**  
А. М.-Р. Абакаров

**Адрес редакции, издателя:**  
368360, Республика  
Дагестан, Лакский район,  
с. Кумух, ул.  
Сурхайхана-1, 96

Газета набрана и сверстана на компьютерной базе редакции газеты «Заря» и отпечатана в ГАУРД «Издательский дом» «Дагестан»  
Адрес:  
г. Махачкала,  
пр. Насрутдинова, 61.

Срок подписания в печать 17.00  
Подписано в 16.00

Газета выходит в неделю 1 раз.  
Тираж 682 экз.  
Цена свободная.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан от 22 августа 2017 г.

Регистрационный ПИ № ТУ05-00385

Позиция редакции может не совпадать с точкой зрения авторов, которые несут ответственность за достоверность о объективность представленных для публикации материалов.